

1 Timoteo

Paulo Timoteore joarocaha

1 1-2 Yũhũ Paulo ahrire mũhũre Timoteore joarocaja. Cohamacũ marine pichacapũ wahaborinare yũhdoriro jira. Jesucristo yare buhe dutiro to cũriro jija yũhũ. To Pũcũro, to Macũno Jesu mehne ti dutiriro seheta ti cũriro jija yũhũ. Jesuta marine yũhdora. ã Jina marine to yũhdohtore masina, tíre cohtaja mari. Mũhũre Timoteore Jesu yare buhei. Yũ ã ni buhechũ tũhocũ Jesure wacũ tua dũcare mũhũ. ã jicũ mũhũ potocãta yũ macũ yoaro sehe jicũta nina. Cohamacũ mari Pũcũ mehne, mari pũhtoro Jesucristo mehne mũhũre noa dutija. ã yoa mũhũre cahĩa, pja ñũa ti yoadohoa mehne noano jiga mũhũ.

Paulo mahñoa buheare buhe dutieraha

3 Sohõ jiri pjare Macedonia yahrapũ wahacũ mũhũre Efesoi cũ yũhdũ wahcãi. Tóí cãina ti ya buheare mahñoa buheare buheina jire. Tí buheare mũ buhe dutierahtiro cjihtore cũi yũhũ mũhũre. **4** Tina ti mũ sũro ã buhemacanocahna. ã yoa ti coyea rapopũ macaina cjiri ti mũ sũro ti buherire ã buherucura. Tí buhea mehne paina mehne cahma sayorucura. Cohamacũ marine to dutirire noano yoachũ yo aerara tina ã buhea. Cohamacũ ya sehere yoana tirore wacũ tuaja. ã jicũ ti mũ sũro ti buherire buhe dutierahtiro cjihtore cũi mũhũre.

5 ã cũi mũhũre Jesu yaina painare ti cahĩhti cjihtire. Ñaa buhiri mariea mehne, noaa wacũa mehne, potocã Cohamacũre wacũ tuaa mehne painare ti cahĩhti cjihtire ã cũi mũhũre.

6 Cãina ahri noaa buheare cohã tuhsũ paye buhea sehere cahmana tjoa. ã ti cahmachũ, tí buhea sehere ti cahma sayochũ tó wahaerara. Tí buheare ti cahma sayoa yaba cjihti jierara.

7 Tina Cohamacũ dutiare buheina ji duamana. ã buhe duapahta tí buheare tina ti basi noano masierara. Tí buheare masiina yoaro sehe buhepahta tí buheare ne masierara tina.

8 Cohamacũ dutiare Moise cjiro marine to cũi cjiirire quihõno mari buhechũ noaa dutia jira. Tíre mari noano masija.

9-10 Tí dutiare buhena ahrire masino cahmana: Tí dutia noaare yoainare ti buhehti cjihti jierara. Ahrina sehere ti buhehti cjihti jira. Pũhtoare cohã duainare, dutiare yũhdũrũcainare, ñaa dihtare yoainare, ñano buhiri tiinare, Cohamacũre ño payoerainare, Cohamacũ yare cahmaerainare, ti pũcũsumare wajãinare, ti pocosãnumia cũhũre wajãinare, paina masare wajãinare, numia mehne ñano yoainare, mũa mehne ñano yoaa numiare, cahma numia mehne ti ñano yoariro seheta mũa sahsero o numia sahsero jipahta ti pjacũri mehne ñano yoainare, masa pohnare paina cũhũre duhti yacainare, mahñoinare, painare mahña mehne yahusãinare Cohamacũ dutia Moise cjiro marine to cũri cjiri sehe tinare buhehti cjihti jira. Å yoa paina jipihtinare noaa buheare yũhdũrũcainare buhehti cjihti jira Cohamacũ to dutia. 11 Tí buhea noaa buhea sehe noariro Cohamacũ to ya buheata jira. Tí buhea sehere yũhũre Cohamacũ buhe dutire.

Cohamacũ Paulore to pja ñũare yahuha tiro

12 Å yũ buhechũ Jesucristo mari pũhtoro yũhũre tuaare waro yũhũre yoadohora. “Paulo noano buherohca yũ yare”, ni tũhoture Jesu yũhũre. Å jiro yũhũre besero tirore yoadohohtiro cjihtore cũre yũhũre. To ã yoachũ “Noana”, nija yũhũ tirore. 13 Tó panopũre Cristore yũ ñano durucupachũta, to yainare ñano yũ yoapachũta, tiro yũhũre beseri jire. Tirore masierasinicũ tirore ñano yoacũ “Ñano yoai nica yũhũ”, ni tũhotueracũrũ. Yũ ã masierasinicũ ñũno tiro pja ñũre yũhũre. 14 Å pja ñũno, Cohamacũ mari pũhtoro yũhũre tuaro cahño, noano yoare yũhũre. Å yoa Cristo Jesure wacũ tuachũ yoare yũhũre tiro. Å yoaro painare cahĩchũ yoare yũhũre Cohamacũ.

15 Yũhũ sehe paina yũhdoro ñaa yũhdũariro jimai. Ñaina mari jipachũta Jesucristo ahri yahpapũ tari jire ñainare pichacapũ wahaborinare yũhdohtiro cjihto. Tí potocã tjira. To ã jiro jichũ jipihtina tíre masijaro. 16 Ñaa yũhdũariro yũ jipachũta tiro yũhũre pja ñũre. Å pja ñũno Jesucristo suaro marieno yũhũre to noano yoarire masichũ yoaro nire painare baharo tirore wacũ tuahtinare masichũ yoaro taro. Å wacũ tuahtina mũanopũ ã jirucuahca. 17 Cohamacũ jipihtia dachoripe masa bui pũhtoro jira. Tiro ne yariaerara. Mari mehne to jipachũta tirore ñũeraja mari. Tiro dihta Cohamacũ

waro jira. “Potocãta noariro, tuariro jira tiro”, nijihna tire. Jipihtia dachoripe tire ño payojihna. Æta yoajihna.

18 Timoteo, yu macu yoaro sehe jira mũhũ. Æ jicu mipũre ahrire mũhũre dutija: Mari coyea Jesu yaina Cohamacu yare yahu mũhtaina baharo mũ yoahrire ti ni mũhtariro seheta mũhũre dutija. Cristo yare noano yahurucuga. Æ yoa ñano yũhdũpaihta tire wacũ tua duhui tjiga mũhũ. Tuhsũ, to yare quihõno buherainare poto yahuga duhuro marieno. **19** Jesure ã wacũ tuarucuga. Ñaa buhiri marieriro jiga. Noa dihtare yoaga. Cãina tíre yoaeraa Jesu yare cohãna. Æ cohãa tire wacũ tua duhure. **20** Æta yoare Himeneo, Alejandro mehne. “Watĩno to cahmano seheta yoawahnojaro mũsare”, ni cũi tinare, ñano Cohamacure ti durucu namoerahto sehe.

Cohamacure sini payoare yahuha Paulo

2 **1** Mipũre õ sehe ni dutija mũsare. Ahri wiho waro jierara: Jipihtina ya cjihtire Cohamacure sini payoga. Æ sini payona “Noana. Wahcheja”, niga Cohamacure. **2** Pũhtoa, paina masa bui dutiina cũhũ ti ya cjihti cũhũre Cohamacure sini payoga, cahmacheno marieno Cohamacure ño payoina mari noano jihto cjihtore. Æ sini payona mari Cohamacu cahmaare, quihõno yoina noano ji masija. **3-4** Tó sehe paina ya cjihtire mari sini payochũ noa nina. Tíre mari yoachũ ñũno Cohamacu marine yũhdohtiro sehe marine noano ñũ jicoara. Jipihtina pichacapũ wahaborinare to yũhdoina jichũ cahmana Cohamacu. Æ yoa noa buheare ti masichũ cahmana tiro. Æ jiro paina ya cjihtire mari sini payochũ wahchera tiro. **5** Cũirota jira Cohamacu. Æ yoa Cohamacure mari ñũ tuhtichũ Cohamacu cũhũ marine to ñũ tuhtichũ bosariro cũirota jira. Tiro masũnota jiriro, Jesucristota jira. **6** Wapamonore waparo seheta jipihtina ti ñaa yoari buhirire yariari jire tiro. Cohamacu to quihõri pjai tíre masare masichũ yoari jire. **7** Tíre yahuhtiro cjihtore, Jesu to cũhtiro cjihtore tiro yũhũre beseri jire. Judio masa jierainare Jesure wacũ tuaare, noa buheare buhehtiro cjihtore beseri jire yũhũre. Potocãta mũsare yahui nija yũhũ. Mahñoeraja.

8 Cohamacu yare noano yoina jipihtiro macaina sehe Cohamacure ti sinichũ cahmaja. Æ yoa tina suaro marieno, cahma sayoro marieno tiro mehne ti durucuchũ cahmaja.

9 Æ yoa, numia sehere carera numia yoaro seheta ti suhti tiina

jichu cahmaja. Ñ jia soro bajua pjoari ti pjoarire yoaea tjjaro. Uru dari busaa darire perla yapari dari cūhure busaea tjjaro tí numia painare “Goa pjachū yoari”, nia. Ñ yoa wapa bujua suhtire sãaea tjjaro tina Jesu ya numia. Painare goa pjachū yoaa numia jiea tjjaro. **10** Ñ yoa tí numia noaa sehere yoajaro. Ñta yoaro cahmana “Cohamacu ya numia jija”, nia numiare. **11** Dihta marieno ño payoa mehne buheare tūhojaro tí numia. **12-14** Ñ jia numia mware buhea tjjaro. Ñ yoa mware dutiea tjjaro. Tí numia sehe dihta mariea numia jijaro. Adãore Cohamacu bajuamehne mūhtari jire. To baharo Evare bajuamehneri jire. Ñ yoa watño to mahñochu tūhoriro Adão jierari jire. To mahñochu tūhorico sehe Eva jiri jire. Ñ to mahñochu tūhoro, Cohamacure yūhdurucaricoro wahari jire ticoro. Ñ jia numia sehe mware dutiea tjjaro. **15** Numino ji mūhtaricoro to yūhdurucapachuta numia ti pohna tichū ñno tinare Cohamacu yoadohorohca. Tí numia pohna tia numia sehe Cohamacure ti wacū tuarucuchū tiro yoadohorohca tinare. Ñ yoa masare, Cohamacu cūhure ti cahīrucuchū, noaa numia ti jirucuchū, quihōno yoaa numia ti jichū Cohamacu tinare yoadohorohca.

Jesu yaina pūhtoa ti yoahdire yahuha Paulo

3 **1** Masa Jesu yaina pūhtoa ji duaa, noare yoa duaa nica tina. Tí potocāta jira. **2** Jesu yaina pūhtoare besecu ñ sehe jīinare besega: Buhiri marieinare besega “Paina tinare ñano ni yahusāri”, nicu. Ñ yoa cāa numiata namo tiinare, noano tūho masiinare, quihōno yoainare, paina ti ño payoina, masare wahchea mehne ti wūhure sãa ta dutiinare, painare noano buhe mihniinare besega mūhu. **3** Ñ besecu cahaerainare, cahmacherainare, masare noano yoainare, cahma sayoerainare, niñerure cahīerainare besega mūhu. **4** Ñ yoa mū beseina ti ya wūhu macainare noano yahuina, ti pohñare noano ño payoa mehne yūhtichū yoaina, noano yahuina jijaro. **5** Tinare yūhtichū yoa masieraa, noano yahu masieraa, Jesu yaina cūhure noano yahu, yūhtichū yoa masieraboca tina. **6** Jesu yaina pūhtoa ji duaina Jesu yaina wahma sãaina jia, tina pūhtoa ji masierara. Wahma sãainare Jesu yaina pūhtoa mūsa cūchū tina “Noa yūhdūaina jija”, ni tūhotuboca. Ti ñ ni tūhotuchū Cohamacu tinare buhiri dahre dutirohca watñore to yoariro seheta. Watño cūhū ñta ni tūhotua timaha

Cohamacu yuhduruca duaro. 7 Ñ yoa puhtoia ji duaina Jesu yaina jieraina ti ño payoia jiro cahmana tinare. Noano yoaina ti jichu ñaa paina ño payoahca tinare. Ñ jia masa tinare ñano quitu dahresi. Ñ jiro watino tinare dojomehne masisi.

Jesu yainare yoadohoina ti yoahaire yahuha Paulo

8 Ñ yoa Jesu yainare yoadohohtina sehere besecu õ sehe jiinare besega: Tina masa ti ño payoinare, noano potocãta durucuinare, cahaerainare, niñerure cahierainare, mahñoa mehne wapata duaerainare, 9 Cohamacu to yahuri buhea to nino sehta yoainare, ñaa buhiri marieinare besega muhu. 10 Tinare mu besehto pano Jesu yainare yoadohoina ji duainare ti yoarire ñuga muhu. Tinare mu ñ ñuri baharo tina sehe ñaa buhiri marieina, ñaare yoeraina jia, Jesu yainare yoadohoina sãajaro tina. 11 Ñ yoa ti namosãnumia õ sehe ti jichu cahmaja mari. Masa ti ño payoa numia, masa noaa numia, ñano quitu dahrera numia, tuho masia numia, jipihtiare noare yoarucua numia ti jichu cahmaja mari. 12 Jesu yainare yoadohohtinare besecu cãa numiata namo tiinare, ti pohnare paina ti wuhu macaina cãhure noano yuhtichu yoainare besega. 13 Ñ jia mu beseina Jesu yainare ti yoadohochu paina tinare noano ñu ji coahca. Ñ jia tina yoadohoina sehe noaa buheare, Jesucristore ti wacu tuua cãhure cuiro marieno buheahca tina.

Cohamacu ya buheare yahuha Paulo

14-15 Mipure mu cahapu waha duai nimaja. Ñ waha duapaihta mipure wahaerasinicu ahri puu yahu, mure joarocai nija. Jesu yaina cahmachuina watoi musa dohse yoahaire mure yahu joarocai nija, “Michapucaca yuh wahaerasiniboca”, nicu. Jesu yaina Cohamacu catihiro yaina jira. To yaina potocã jia buheare Cohamacu ya buheare cãara. Ñ cãaa, tãre buherucura. 16 Ahri potocã tjira. Marine Cohamacu to buheri cjiri, panopu mari noano masierari cjiri noa yuhdu buhea jira. Ahri buhea õ sehe jira:

Tiro Cristo mari pjacu sehta pjacu tãro masa bajuari jire.

Noariro, ñaa marieriro to jichu ñore Espiritu Santo sehe.

Anjoa cãhu tãro ñuri jire.

Ñ yoa buhe duti to cūrina paye yahpari macainare
 to yare buhei sã.
 Ñ jia ahri yahpai masa payu tirore wacũ tuare.
 Baharo muanopu Cohamacu naahre tirore.
 Tí jira noaa buhea.

Noa buheare cohārina cjirire yahuha Paulo Timoteore

4 1 Espiritu Santo ahrire noano yahura: Pihtiri dacho panocã
 cãina masa Jesu ya buheare cohãahca. Ñ cohãa mahñoa
 buheare wafia ya buhea sehere tũho nũnũahca tina. 2 Tí
 buheare mahñorucuina yahuahca masare. Tina mahñorucuina
 sehe “Ñaa buhiri mariahna sãre”, ni tũhotuina jira. Ñ jia tina
 ti ñaa yoare ne tũhotuerara. 3 Ó sehe ni buheahca tina:
 “Namo tienã tjiga. Ahri chũare chũena tjiga”, ni buheahca tina.
 Ti ã chũ dutierapachuta Cohamacu chũare bajuamehnenõ
 mari chũnti cjihtire noare cūri jire tiro. Mari Cristore wacũ
 tuaina jichũ noaa buheare mari masiina jichũ, mari ya cjihtire
 tí chũare bajuamehnea tiri jire tiro. Tí chũare cjuana tirore
 “Noana”, mari nichũ cahmana tiro. 4 Jipihtia Cohamacu to
 bajuamehneri cjiri noaa jira. Ñ jina to bajuamehneri chũare
 nana, Cohamacure “Noana” nina, tíre marine cohãeraro
 cahmana. Tíre marine chũ ji coaro cahmana. Ñ jicu paina ti chũ
 dutierachũ tũhocũ tjiga tinare. 5 To bajuamehnea noaa ti jichũ
 yahu tuhsũa tiri jire Cohamacu. Ñ jia tirore “Noana”, mari ni
 wahcheri baharo tí chũa to yoari chũa noaa waro jia nina.

Jesucristore dahra cohtaritore noarirore yahuha Paulo Timoteore

6 Ahri yu yahurire Jesu yainare mari coyeare buhecũ
 Jesucristore dahra cohtariro noariro jira mũhũ. Ñ buhecũ noaa
 buheare, quihõno mũ tũhori cjirire mũhũre ti yahuriro seheta
 noano mũ masirire yahuriro jiihca mũhũ. 7 Ñ jicu ti mũ sũro ti
 buherire, Cohamacu ya jieraare tũhoi tjiga. Cohamacu cahmaa
 sehere yoaporiro jiga mũhũ. 8 Mũ mũrocachũ noa curera.
 Mũ mũrocaporiro yũhoro Cohamacu cahmaare mũ yoapochũ
 noa yũhũara mũhũre. Cohamacu cahmaare yoapocũ mipũre
 noano jiihca mũhũ. Mũ yariari baharopũ cũhũre masa mũjacũ
 noano jiihca mũhũ. 9 Tí potocãta jira. Jipihtina tíre yu nirire
 masiinare “Potocãta jira”, nino cahmana tinare. 10 Jipihtina
 tíre ti nihti cjihtire Cohamacu cahmaare ti yoahiti cjihtire mari

tuaro dahraja. Ñ jina ñano yũhdũja mari, paina marine ñano ti yoachũ. Cohamacũ catiriro, jipihinare pichacapũ wahaborinare yũhdoriro jira. Tirore wacũ tuaina pinihtare tiro yũhdorohca. Ñ jina to yũdhohto cjihtore masina, cohtaja mari.

11 Ahri jipihitia yũ nirire dutiga Jesu yainare. Ñ yoa tíre buhega mũhũ. 12 Wahmũno mũ jichũ ñña paina Jesu yaina mũhũre yũhdũrucã duaboca. Ti ã yoærahto sehe õ sehe yoa ñoga tinare. Masare cahĩga. Ñ yoa Jesure wacũ tuarucu, buhiri marieriro jiga. Wahmũno jipaihta mũ ã yoachũ ñña mũhũre yũhdũrucasi tina. Ñ jia mũ durucurire tũhoa, mũ yoarire ñña mũhũre ñũ cũahca. 13 Ñ jicũ mũ cahapũ yũ sũhto pano Jesu yainare Cohamacũ yare ti joari pũre buhe tuhsũ, mũsa cahmachupe tahari tinare ã yahurucuga. 14 Jesu yaina mehne macaina pũhtoã Cohamacũ yare yahu tuhsũ mũ bui ti wamomacarine duhu payore. Ti ã duhu payochũ Cohamacũ ya cjihtire mũ yoa masihto sehe cũre mũhũre Cohamacũ. To ã cũrire boecũ tjiga. Ñ yoa tíre ã yoarucuga.

15 Ahri dutiare tuaro cahmaga. Ñ cahmacũ ahri dutiare ã yoarucuga mũhũ. Mũ ã yoari baharo noaare mũ yoa namochũ jipihitina ñũahca. 16 Mũhũ sehe noano yoaga, “Soro yoari”, nicũ. Ñ yoa noano buhega mũhũ, “Soro buheri”, nicũ. Ñ jicũ mũ basita pichacapũ wahaboriro yũhdoriro jiihca. Ñ jia mũhũre tũhorina cũhũ pichacapũ wahaborina yũhdũrina jiahca.

**“Paina Jesu yainare õ sehe yoaga mũhũ”,
niha Paulo Timoteore**

5 1 Ne bũcũrore tuhtiecũ tjiga. Mũ pũcũre mũ noano yoiro seheta bũcũro cũhũre noano mehne yahuga. Ñ yoa mũ bahanare mũ noano yoiro seheta wahma yapia cũhũre noano ño payoro mehne tinare yahuga. 2 Ñ yoacũ mũ pocore mũ noano yoiro seheta bũcũ numia cũhũre noano ño payoa mehne yahuga. Mũ bahana numiare mũ noano ño payoriro seheta nuhmia cũhũre ñano goa pjaro marieno, noano ño payoa mehne yahuga tina numiare.

3 Ñ jicũ wapewahyaa numiare potocãta pjasũoa numiare ño payoa mehne yoadohoga tí numiare. 4 Wapewahyoro pohna tiricoro to jichũ, o panamana tiricoro to jichũ cũhũre tina sehe ticorore yoadohojaro. Ñ yoadohoa Cohamacũ masare ti coyeare to yoa dutirire yoaa nina tina. Ñ yoaa tina ticorore ti wapamonore wapaa nica ticoro to bũcũrore wapa. Ti ã yoachũ

ñño Cohamacu noano wahchera. ⁵ Pjacuoricoro, wapewahyoro coyea marienicoro jiro, Cohamacu ticorore to yoadohohto cjihtore cohtara ticoro. Ñ jiro ñaminipe, dachoripe ticoro Cohamacu mehne ã durucurucura. ⁶ Pacoro sehe wapewahyoro ã yoamacanocaricoro carericoro jiro, ticoro catiricoro jiparota pichacapu butihticoro ji tuhsura. ⁷ Ahri jipihtia yu yahurire Jesu yaina cūhure yoa dutiga mūhū, noaa dihtare ti yohti cjihtire. Ti ã yoachu ñña paina tinare “Ñano yoaa nina”, ni masierara. ⁸ Cūiro to coyeare ññ wihboeraro, to pohna, ti pocoro cūhure noano ññ wihboeraro “Jesu yairo jija”, ni masierara. Ñ jiro Jesure cahmaeraina yūhdoro ña yūhduariro jira tiro.

⁹ Wapewahyaa numiare yoadohonahca mūsa. Ñ sehe besega mūsa yoadohohti numiare. Ti wamare joa õhti pūi joai tai õ sehe besega tí numiare: Sesenta cūhmari sūeraricorore to wamare joa õi tjiga. Tuhsu, tó pano pūaro cjiroro manū tiricoro wape wahyoro to wamare joa õi tjiga. Cūirota manū tiricoro wapewahyoro wamare joa õga. ¹⁰ Tí numiare, “Noaare yoaa numia jira”, masa ti nia numiare, ti pohmare noano būscūoa numiare besega. Ñ yoa tuhsu, ti wūhūsei painare noano sãa ta dutia numiare, dahra cohtaina yoaro sehe Jesu yainare yoadohoa numiare, ñano yūhdūinare yoadohoa numiare, noaa dihtare yoaa numiare besega. Tí numiare mūsa yoadohohti numiare bese tuhsucu, ti wamare joa õga mūhū.

¹¹ Wiho mejeta wapewahya numia nuhmia curero ti jichū tí numia sehere besei tjiga. Ñ jicu tí pūi ti wamare joa õi tjiga. Baharo tina mūare goa pja, Cristore cohã, pari turi manū tiboca. ¹² Tina Cristore “Pari turi manū tisi sã. Mū yainare yoadohonahtja”, niri numia jipahta baharopūre ti niriro seheta yoeraboca tí numia. Ti ã yoerari buhiri buhiri tiahca. ¹³ Tí numia õ sehe yoaa numia jira: Dahraera numia jipora. Ñ jia paina ya wūhūsepū wahaucu, ñaa quiti dahre, tí numiare mari sinituerapachūta ti mū sūro mari jia tiare ã yahurucura. Tuhsu, ti yahu dutierari cjirire yahura tí numia. ¹⁴ Ñ jicu ti õ sehe yoachu cahmaja yūhū: Wapewahya numia nuhmia curero jia numia manū tijaro. Ñ manū tia, pohna tijaro. Ti ya wūhū macainare noano ññ wihbojaro. Mari ya numia wapewahyaa numia ti ã yoachu marine ññ tuhtiina marine “Ñaare yoaa nina”, ni tuhti masierara. ¹⁵ Mipū pinihtare cãa numia

wapewahya numia Cristo yare duhu, watĩno cahmaa sehere yoa tuhsura. Ǻ jicũ ā ni yahuja mũhũre.

16 Jesu yaina ti coyeacoro wapewahyoro to jichũ tina to coyea ticorore yoadohojaro. Paina Jesu yaina sehe ticorore yoadohoea tjijaro. Ǻ jia tina paina Jesu yaina ticorore coyea cjaricorore yoadohoeraa, paye numia wapewahya numia coyea mariea numia sehere yoadoho masina.

17 Jesu yaina pũtoa mũsare ti noano buhechũ ti dahraare ti noano yoachũ ñũna ji coaro mehne ñũga tinare. Ǻ yoa noano wapaga tinare. Cãina tina mehne macaina Cohamacũ yare yahuina, mũsare buheina cũhũ jira. Tina pinihtare paina yũdoro ji coaro mehne ñũga. 18 Cohamacũ yare ti joari pũi õ sehe nina, dahrarirore ti wapahtore yahuro: “Wachũ trigo yaparire to dahpori mehne suhti werirore to chũ duachũ to dũserore dũcataena tjiga”, ni joaa tiri jire. Ǻ yoa pa pũi õ sehe nina: “Dahrarirore to dahrari wapare waro cahmana”, nina Cohamacũ yare ti joari pũi. (To ā nichũ tũhona Jesu yaina pũhtoare ji coaro mehne ñũ, noano wapaga tinare.)

19 Jesu yaina pũhtoro to ñano yoachũ ñũno cũirota paina Jesu yaina cahmachuinare yahusã masierara. Pũhtoro to ñaare yahusãhtina tiaro jia, tiore yahusã masina. Tiaro mariachũ pũaro yahusã masina. 20 Ǻ yoa ñaare yoarucurirore jipihtina mũsa watoi to jichũ tiore tuhtiga, cuia, paina ñaare ti yoerahto cjihtore. 21 Ǻ jicũ Cohamacũ, Jesucristo, to beserina anjoa cũhũ ti ñũrocaroi ahrire dutija mũhũre: Mipũ mũhũre yũ dutiri cjirire yoa pahũnoga. Ǻ yoariro jicũ jipihtinare Jesu yainare cũno potori yoaga. Pairore soro, pairore soro yoai tjiga. 22 Painare Cohamacũ dahraare mũ cũhti cjihtire ti bui mũ wamomacarine mũ duhu payohto pano soaro marieno noano tũhotu pahũo, tinare besega. Tina ñaina jiboca. Ǻ jiinare Cohamacũ dahraare cũi tjiga. Ǻ cũcũ mũhũ cũhũ mũ beseina ti ñaare yoaro seheta yoai nica. Tó sehe yoai tjiga. Ǻ yoa ñaa marieriro jiga mũhũ.

23 Sũroca pjaro cariro jira mũhũ. Mipũre co dihtare sihnimana mũhũ. Ǻ jicũ mahanocã vino cũhũre sihniga mũhũ. Co jira tí.

24 Cãina ti ñaare yoachũ mari ñũja. Ǻ jina Cohamacũ tinare to buhiri dahrehtore masija mari. Paina sehere ti ñaa yoarire mari masieraja. Ti ñaa yoarire baharo masinahca. 25 Tó seheta cãina noare ti yoachũ tíre mari masija. Paye ti noaa ti

yoaerarire mari masierapanahta baharo masinahca mari. Tíre n̄ohto basierara.

6 ¹ Dahra cohtaina Jesu yaina sehe ti p̄htoare noano ño payojaro. Ti ã ño payoch̄ ñ̄a paina Cohamac̄re, mari buhea c̄h̄ure ne ni dojomehne masierara. ² Ti p̄htoa Jesu yaina ti jich̄ ñ̄a tinare dahra cohtaina sehe Jesu yaina jia, tinare ñ̄poa ño payoeraboca. ã yoaeraro cahmana. Ti p̄htoa Jesu yaina ti jich̄ pinihtare tinare dahra cohtaina noano ño payojaro tinare. ã ño payoa dahra cohtaina sehe Jesu yainare, ti cah̄inare ti coyeare yoadohoa nina. Ti p̄htoare Jesu yainare dahra cohtaina jia, Jesure cahmaerainare ti ño payoriro ȳhdoro Jesu yaina sehere ño payojaro p̄htoa ti cah̄ina ti jich̄. Ahri ȳ yahurire buhega. ã jic̄ ahrire dutiga.

Cohamac̄re ño payoa c̄h̄ure noano jia c̄h̄ure yahuha Paulo

³ Soro jia buheare buheriro mari p̄htoro Jesucristo ya buheare noaa buheare “Potocã t̄jira”, ni t̄ho duaerara. ã t̄ho duaeraro, mari ya buheare Cohamac̄re ño payoa buheare cahmaerara. ⁴ ã jiro tiro “Masi pah̄oriro jija”, niparota tíre ne masierara. ã masieraro, t̄ho masierariro yoaro sehetu tuaro cahma sayo duara tiro. ã yoa Cohamac̄re yare ã nimacanoca sayorucuriro t̄jira. Masa tiro yoaro sehe jiina cahma sayoa, paina ti noano wahach̄ ñ̄ tuhtia, cahma ñ̄ duaeraa, noano mehne jierara. Tuhs̄, painare ñ̄ano quitu dahre, masierapahta masare ñ̄ano ni t̄hotura tina. ⁵ Tina ñ̄a dihtare t̄hotuina, potocã jiare ne masieraina ã cahma sayorucuina jira. ã yoa “Cohamac̄re yare buhena niñerure wapatanahca mari”, ni t̄hotura tina. ⁶ Mari ya mahanocã mari c̄j̄aa mehne wahchena, Cohamac̄re ño payona, to cahmano sehetu yoana, potocãta noano jina nija. ⁷ Ahri yahp̄p̄re masa bajuana ne paye barore na taerahi mari. ã yoa mari yariari baharo wahana ne paye barore naa masieraja mari. ⁸ ã jina mari ch̄are mari suhti c̄h̄ure c̄j̄ana payere cahma namoena tjijihna. Mari c̄j̄aro purota wahchejihna mari. ⁹ Pache p̄a ji duainare wat̄no ñ̄aare to yoa dutich̄ tina sehe jiape ñ̄aare yoarucuina jiboca. ã yoaa tina paȳ tahari t̄ho masieraina sehetu paye barore tuaro cahmaa, ñ̄a yoaare duhueraa, ti basita ñ̄ano ȳhd̄ra. ã duhueraa pichac̄p̄ wahaahca tina. ¹⁰ Niñerure tuaro cahmaa, jiape ñ̄aare yoa d̄cara masa. Cãina niñerure

cahĩa, tuaro cahmaa, Jesure wacũ tua duhua, payu tahari ñano yũhdũra tina.

Cohamacu yare yoana ñaare duhuga

11 Mũhũ pini Cohamacu yairota jira. Ñ jicu ahri ñaare yoai tjiga. Noaa sehere cahmaga. Cohamacu yare yoaga. Ñ yoacu Jesure wacũ tuaga. Painare cahĩga. Ñano yũhdũpaihta cũno pjaga. Ñ yoa painare noano dero yoaga. 12 Surara cahmachero tuaro to yoariro sehetu, mũhũ cũhũ Cohamacure wacũ tuacu to yare tuaro yoaga. Mũanopũ ã jirucuhtiro cjihtore Cohamacu beseri jire mũhũre. Ñ jicu Cohamacure mũ wacũ tuaare payu masare noano yahuhre mũhũ. Ñ jicu ñano yũhdũpaihta tirore wacũ tua duhui tjiga. Mũanopũ ã jirucuhtiro jiga. 13 Cohamacu jipihtinare, jipihtiare jichũ yoariro jira. Jesucristo sehe Poncio Pilatore Cohamacu yare noano yahuriro jira. Ñ jicu tina Cohamacu, Jesucristo cũhũ ti ñurocaroi ahrire mũhũre yoa dutiĩhtja: 14 Mũhũre Cohamacu to dutirire yoa pahñonocahga. Jesucristo to tjua tahto pano masa mũhũre ñaare ti ne yahusãerahto cjihtore to dutirireta yoarucuga. 15 To quihõriroihta Cohamacu Cristore tjua tachũ yoarohca. Cohamacu noariro, tiro dihta masare dutiriro jira. Ñ jiro jipihtina paina pũhtoa ti bui pũhtoro jiriro jira tiro. 16 Tiro dihta ne yariaerariro jira. To si sitea mehne jiriro jira. To si sitea cahapũ waha masierara masa. Ñ yoa tirore masa ne ñũerare. Mipũ cũhũre tirore ñũerara. Tiro sehere ño payojihna. Ñ jina “Jipihtia dachoripe tuariro jira tiro”, nijihna tirore. Ñta yoajihna.

17 Ahri yahpa macaina pache pũare õ sehe ni dutiga mũhũ: “Painare yũhdũrucaja”, ni ti basi tuhutuea tjijaro tina. Ti pache ti cjuua pihtia wahaahca. Ñ jia ti cjuua dihtare wahchea tjijaro. Cohamacu sehere tuaro wahchejaro. Jipihtia pototi mari cahmaare wariro jira tiro. Tiro sehere wacũ tuajaro tina pache pũa. 18 Ñ jia tina noaa sehere yoajaro pjiro noaare yoaina ti jihto sehe. Ñ yoa ti cjuuaare waina jijaro. 19 Ti ã yoachũ mũanopũ Cohamacu cahai ti ya jiahca. Ti ya tópu jia, ne butisi. Ñ jia tópu ã jirucuahca tina.

Paulo Timoteore duti batoaha

20 Timoteo, mũhũre Cohamacu to cũrre to buhe dutirire noano yoanohbũ. Voi ninohbũ mũhũ. Cãina masa Cohamacure

cahmaeraina yoaro seheta mahñoare, tũho masieraina ya buheare durucurucura. Ñ durucua “Noano masiina ya buhea jira”, nimana tina. Ñ ti ni durucua tũho nũnũi tjiga. ²¹ Cãina tí durucua tũho nũnũina Cristo yare cohãnocare. Cohamacu to cahĩa mehne mũsare noano yoajaro.